

# Centro de Información Europea

Boletín Semanal nº 194 - 13/09/2018

Novas  
Convocatorias  
Socios  
Bolsas e Vacantes  
Cidadanía  
Europa a fondo  
Publicacións  
Axenda



Suscripción gratuita al boletín  
[europedirect@dacoruna.gal](mailto:europedirect@dacoruna.gal)  
[www.dacoruna.gal/europedirect](http://www.dacoruna.gal/europedirect)



## Novas

- Juncker propón que os Estados membros utilicen normas que xa están vixentes na UE para substituír a votación por unanimidade por maioría cualificada en determinados ámbitos da política exterior e de seguridade común (PESC)
- A Comisión Europea propón unha nova «Alianza África-Europa por uns investimentos e un emprego sustentables» a fin de impulsar o investimento en África, consolidar o comercio, crear emprego e investir en educación e capacidades
- O Parlamento Europeo apoia que comecen as negociacións cos Estados membros acerca das novas normas europeas sobre dereitos de autor
- O Tribunal de Contas Europeo publica un documento de referencia sobre a aplicación das normas de competencia da UE
- O TJUE ditamina que en caso de cancelación do voo, a compañía aérea ten que reembolsar as comisións percibidas polo intermediario que participase na compra do billete

## Convocatorias

### Convocatorias recentes

#### **Educación, Cultura, Audiovisual, Cidadanía (EAC)**

EACEA/01/2018: Europa Creativa- Subprograma Media. Apoio aos axentes de vendas internacionais de películas cinematográficas europeas. Programa “Axentes de vendas”.

EAC/A01/2018: Corpo Europeo de Solidariedade.

#### **Emprego, Asuntos Sociais e Inclusión (EPML)**

VP/2018/001: Apoio ao diálogo social

VP/2018/015: Programa de Dereitos, Igualdade e Cidadanía Bolsas operativas 2019 para Socios Marco activos na área de discapacidade.

VP/2018/016: Subvencións para redes da UE que asinen un acordo de asociación marco para o período 2018-2021 e estean activas nas áreas de inclusión social e redución da pobreza, ou microfinanciamento e financiamento de empresas sociais.

#### **Investigación e Innovación (RTD)**

H2020-ERC-2019-SyG: ERC Synergy Grant.

H2020-ERC-2019-STG: ERC Starting Grant.

#### **Xustiza e Consumidores (JUST)**

CONS-ADR-2018: Subvencións para accións conxuntas cos estados membros para apoiar o acceso a mecanismos alternativos de resolución de disputas de consumidores.

#### **Medio (ENV) e Acción polo Clima (CLIMA)**

LIFE 2018: “Proxectos preparatorios”. Subprograma LIFE para o Medio.

LIFE 2018: “Proxectos integrados” no marco dos subprogramas LIFE para o Medio Ambiente e a Acción polo Clima.

LIFE 2018: “Proxectos tradicionais” no subprograma LIFE para o Medio Ambiente.

#### **Migración e asuntos de Interior (HOME)**

AMIF-2018-AG-INTE-1: Integración de nacionais de terceiros países: Prioridade 1: redes locais e rexionais para a integración de nacionais de terceiros países.

AMIF-2018-AG-INTE-2: Integración de nacionais de terceiros países: Prioridade 2: Proxectos de migración legal con terceiros países.

AMIF-2018-AG-INTE-3: Integración de nacionais de terceiros países: Prioridade 3: Integración de nacionais de terceiros países vítimas de trata de seres humanos.

AMIF-2018-AG-INTE-4: Integración de nacionais de terceiros países: Prioridade 4: Coidado de menores migrantes, incluídos menores non acompañados.

AMIF-2018-AG-INTE-5: Integración de nacionais de terceiros países: Prioridade 5: Participación das comunidades da diáspora na sensibilización.

ISFB-AG-2018-ESUR: Convocatoria de propostas para apoiar a mellora da vixilancia fronteiriza mellorando a cooperación entre os Estados membros no marco de EUROSUR, incluída, cando cumpra, a cooperación con terceiros países (especialmente países veciños).

### **Política Rexional e Urbana (REGIO)**

Segunda convocatoria do Programa Operativo de Cooperación Territorial INTERREG V-A Madeira-Azores-Canarias (MAC) 2014-2020.

## **Outras axudas**

RESOLUCIÓN do 4 de xullo de 2018, da Secretaría de Estado de Emprego, pola que se aproba a segunda convocatoria para a selección de operacións que se financiarán co Fondo Social Europeo no marco do Programa operativo de emprego xuvenil.

RESOLUCIÓN do 19 de xullo de 2018 pola que se dá publicidade ao acordo do Consello de Dirección que aproba as bases reguladoras dos premios e axudas aos proxectos piloto Industria 4.0 (III Piloto Industria 4.0 2018) en Galicia, cofinanciados polo Fondo Europeo de Desenvolvemento Rexional con cargo ao programa operativo Feder Galicia 2014-2020, e procédese á súa convocatoria en réxime de concorrencia competitiva.

RESOLUCIÓN do 9 de agosto de 2018 pola que se conceden as axudas da primeira edición do programa Industrias do futuro 4.0, orientado a proxectos de investigación industrial, desenvolvemento experimental e innovación centrados en tecnoloxías industriais innovadoras dentro da iniciativa Industrias 4.0-captación de investimentos, cofinanciadas polo Fondo Europeo de Desenvolvemento Rexional (Feder) no marco do programa operativo Feder Galicia 2014-2020 e ábrese o prazo de presentación de solicitudes para a segunda edición.

## **Socios**

### **Erasmus+. Italia**

Progetto Crescere organiza un curso K1 chamado “Adolescentes con trastornos de comportamento ou mocidade mala?” entre o 22 e o 26 de outubro de 2018 en Reggio Emilia (Italia). O curso está destinado a calquera profesional que traballe con adolescentes.

### **Erasmus+. Turquía**

Düzce Provincial Directorate of National Education, un organismo público con sede en Düzce (Turquía), está a buscar socios para un proxecto de KA2 relacionado coa educación que ten por obxecto a mellora das habilidades sociais diarias do estudiantado de secundaria.

### **Erasmus+. Francia**

Cidades Atlánticas ofrece prácticas en Comunicación en Rennes (Francia) durante seis meses. O socio buscado debe ser estudante de grao ou de máster en comunicación, relacións públicas ou humanidades, e posuír polo menos nivel B2 en dúas das seguintes linguas: castelán, inglés, francés ou portugués.

### **H2020. Bulgaria**

Unha universidade búlgara prepara unha proposta do proxecto no ámbito de bioloxía do desenvolvemento para presentar na próxima convocatoria do H2020-WIDESPREAD-2018-2020: Twinning en novembro 2018. Búscanse institucións académicas ou de investigación. A duración do proxecto é de 36 meses.

### **H2020. Reino Unido**

Unha empresa do Reino Unido solicita financiamento a través de FET-Open Challenging Current Thinking para desenvolver un novo robot humanoide cun nivel avanzado de sistemas adaptativos e intelixentes. Búscanse dous socios (empresas ou entidades académicas) da UE para axudar a desenvolver o software e o hardware dos robots a través dun acordo de investigación.

## **Bolsas**

### **15/09/2018: Prácticas no Tribunal de Xustiza da UE**

O TJUE ofrece as prácticas dunha duración de cinco meses nas Direccións de Tradución, na Dirección de Investigación e Documentación, do 1 de marzo ao 31 de xullo.

### **28/09/2018: Prácticas na Secretaría Xeral do Consello**

Estas prácticas ofrecen a posibilidade de desempeñar as tarefas dun funcionario administrador ao comezo da súa carreira para o primeiro período de prácticas remuneradas de 2019 (febreiro-xuño de 2019).

### **30/09/2018: Prácticas retribuídas no Comité Europeo das Rexións**

O Comité Europeo das Rexións (CDR) oferta anualmente prácticas remuneradas cunha duración de cinco meses, para graduados universitarios. As prácticas realizaranse do 16 de febreiro ao 15 de xullo de 2019.

### **30/09/2018: Prácticas no Comité Social e Económico**

Dúas veces ao ano o Comité ofrece prácticas de longa (5 meses) e curta duración (dun a tres meses).

### **31/10/2018: Prácticas no Banco Mundial**

Para o período de novembro a marzo. Sen límite de idade. Requírese inglés e francés, e valorarase ter coñecementos de informática e doutros idiomas. A maior parte das vacantes atópanse en Washington D.C.

## **Premios e concursos**

### **16/09/2018: 2019 Access City Award**

O premio está aberto a todas as cidades da UE con máis de 50,000 habitantes que traballen para ser máis accesibles para os seus cidadáns. As cidades con menos de 50,000 habitantes poden participar nun dos premios especiais de patrimonio cultural.

### **16/09/2018: Youth Essay Competition**

A Dirección Xeral de Mercado Interior, Industria, Emprendemento e Peme da Comisión Europea ha lanzado o concurso de ensaios dirixido a mozos de entre 18 e 25 anos. O tema do ensaio é "Que pasos deberían tomar os empresarios e o goberno para ser máis innovadores?".

### **20/10/2018: Concurso "Juvenes Tradutores"**

A Comisión Europea lanza o seu concurso anual de tradución para centros de ensino. Este ano, os participantes traducirán un texto sobre o tema do patrimonio cultural. Este tema foi escollido para conmemorar o Ano Europeo do Patrimonio Cultural 2018. A proba terá lugar o 22 de novembro.

### **31/10/2018: Concurso para directores novos #EUandME**

A Comisión Europea lanza un concurso de curtametraxes para cineastas individuais de entre 18 e 35 anos que ten como obxectivo achegar as institucións aos cidadáns e dar maior visibilidade á Unión Europea. Os participantes poderán elixir entre cinco categorías: mobilidade, sustentabilidade, capacidade e negocios, dixital e dereitos. Haberá 5 gañadores dunha subvención de 7500€ para facer realidade o seu proxecto.

### 01/11/2018: #DiscoverEU photo & vídeo Competition

O Portal Europeo da Mocidade lanza un concurso de fotos ou vídeos curtos (máximo 15 segundos) nun lugar da UE para compartir en Instagram ou Twitter cos cancelos #DiscoverEU e #Competition. Cada gañador recibirá un bono de 100€ dunha tenda de viaxes en liña.

## Vacantes

- Especialistas en servizo de restauración con nivel B1 de Alemán. Alemaña. Data límite: 27/10/2018
- Electromecánicos de automoción (m/f) (A2 de alemán). Alemaña. Data límite: 31/10/2018
- Pulidores capataces (m/f) (B1 de alemán). Alemaña. Data límite: 31/10/2018
- Camareiros/as (B1 de alemán). Alemaña. Data límite: 31/10/2018
- Cociñeiros/as (A2 de alemán). Alemaña. Data límite: 31/10/2018
- Camareiros/as con coñecemento de alemán. Alemaña. Data límite: 16/10/2018
- Dachdecker. Alemaña. Data límite: 16/10/2018
- 15 CNC Operators (m/f) con inglés (ou A2 de alemán). Alemaña. Data límite: 1/10/2018
- Varios postos de enxeñería. Alemaña. Data límite: 03/11/2018
- 4 Ofertas en hostalería en Baden-Württemberg (A1-B2 de alemán). Alemaña. Data límite: 30/09/2018
- Enfermeiras/os. Bélxica. Data límite: 27/09/2018
- 10 Consultant E-mail Support with Spanish and English. Bulgaria. Data límite: 20/09/2018
- NEWSPAPER CARRIERS. Dinamarca. Data límite: 31/10/2018
- Expertos Nacionais en Formación Profesional. España. Data límite: 23/09/2018
- Técnicos electromecánicos. España. Data límite: 31/12/2018
- 3 BUSINESS DEVELOPMENT REPRESENTATIVE WITH FRENCH AND ENGLISH. España. Data límite: 30/09/2018
- 3 BUSINESS DEVELOPMENT REPRESENTATIVE WITH ENGLISH. España. Data límite: 30/09/2018
- Coordinador de Proxectos. Bruxelas. Data límite: 15/10/2018
- Enfermeiras/vos. Holanda. Data límite: 29/10/2018
- General Operatives. Irlanda. Data límite: 31/10/2018
- Camareiros SALGA E BARRA. Suecia. Data límite: 05/10/2018

### Narón recibe o Premio Europeo de Excelencia en Seguridade Viaria 2018

*O 26 de xuño a Comisaría de Transportes, Violeta Bulc, presentaba nunha cerimonia en Bruxelas os gañadores do Premio Europeo de Excelencia en Seguridade Viaria 2018. En total, seis organizacións de cinco Estados membros foron recoñecidas con este premio que recoñece iniciativas inspiradoras e innovadoras, baixo o paraugas da [Carta Europea de Seguridade Viaria](#), que contribúan a mellorar a seguridade viaria e salvar vidas nas nosas estradas.*

O Concello de Narón foi un dos galardoados e Europe Direct A Coruña estivo co equipo de Educación Viaria deste concello para coñecer máis achega do programa de seguridade viaria que veñen desenvolvendo.

Na actualidade o equipo de Educación Viaria está integrado por dúas persoas fixas (Policías Locais): Sonia López, coordinadora do programa, e Pedro Caneiro, responsable do programa. Ademais distintos colaboradores traballan durante todo o ano escolar: outros policía locais; unha doutora en Historia; persoal de Emerxencias (bombeiros); un titulado de INEF; docentes; matronas; médicos de familia; o arquitecto municipal; políticos; nais e pais; monitores de a Federación Galega de Ciclismo; así como asociacións e empresas.

**O concello coruñés de Narón obtivo o Premio Europeo de Excelencia en Seguridade Viaria 2018 polas súas medidas experimentais innovadoras nas escolas locais: os programas Bica e Arrinca, Estacionamentos disuasorios e Camión Escolar Seguro. Como xorde a idea de levar a cabo estes proxectos?**

Desde o ano 2006 o Concello de Narón a través do “Programa Aprende Pedaleando” aposta pola seguridade e a educación viaria desde un punto de vista multidisciplinar e transversal, facendo un labor que contribúe ao desenvolvemento e fomento da educación en valores, entendendo que o fin da educación debe ser educar para convivir.

O traballo diario que levamos a cabo o Equipo de Educación Viaria nos diferentes centros escolares pon de manifesto unha realidade que tivemos que afrontar:

En primeiro lugar un tráfico excesivo de vehículos, que xera contaminación, tensión e percepción negativa do colexio por parte da comunidade escolar. En segundo lugar, obsérvase un caos na ordenación do tráfico e perigo para os usuarios dos distintos centros educativos.

E a todo isto sumámoslle un deseño urbanístico “agresivo”, que dá prioridade ao vehículo fronte á mobilidade sustentable e a accesibilidade.

Froito desta observación durante o curso escolar 2016/17 nace o proxecto “Camións Escolares Seguros” que engloba, orixinalmente tres iniciativas: creación de estacionamentos disuasorios nas proximidades dos centros. Para iso utilizáronse parcelas en desuso, condonando o imposto municipal de bens inmobles aos propietarios a cambio da cesión temporal do terreo.



## En que consiste o proxecto “Bica e Arrinca”?

A través de “Bica e Arrinca” (kiss&Go) habilitouse unha zona nas proximidades o centro escolar onde os pais e nais poden parar durante 1 minuto, entre as 08:30 e 09:10 horas da mañá, para deixar aos nenos/as. Esta iniciativa funciona unicamente durante o período escolar. É facilmente visible posto que está indicada con sinais verticais e horizontais.

## Como foi o proceso de implantación de “Camiños Escolares Seguros”?

O primeiro paso consistiu en seleccionar, a través dun concurso no que participaron todos os centros escolares, unha mascota e o seu nome, “Pegadas” que serían o distintivo do “camiño”. A continuación



en colaboración coa Universidade da Coruña, a través da plataforma “Geomove”, realizouse un estudo de mobilidade nas contornas escolares, que facilitou o deseño dunha ruta en función das demandas dos futuros usuarios; integrando nesta parte a diversos colectivos: Anpas, Asociación de comerciantes de Narón a través da creación das “tendas amigas” (lugares onde o neno/a de camiño ao centro escolar pode solicitar calquera tipo de axuda), Asociación sociocultural ASCM (que aglutina a persoas con discapacidade). O seguinte paso consistiu en sinalizar de forma específica as rutas previamente deseñadas (sinalización no chan, bandeirolas, en pasos de peóns). A entrega de pulseiras NFC a cada neno/a e a creación dunha plataforma web, [www.pegadas.naron.es](http://www.pegadas.naron.es), supuxo un paso importante para o proxecto, en tanto que ofrece seguridade aos pais e nais, e por tanto afianza e garante a continuidade da iniciativa. Unha vez que o neno/a se achega ao centro escolar é recibido por uns alumnos/as que realizan funcións de “policía”, que se encargan de ordenar o tráfico baixo a supervisión do axente de policía local e de que os máis pequenos realicen o punto de verificación (check point) correctamente. Neste momento os pais e nais reciben unha mensaxe informando que

o neno/a atópase no colexio e permite contabilizar os días que van andando en monopatín ou bici. Ao mesmo tempo permite que as tendas amigas xestionen un sistema de puntos para trocar, a través dun catálogo, as súas “pisadas” por agasallos, que funcionan como incentivos, fomentando unha maior participación. Coa intención de introducir novos elementos de reclamo que fagan que a chegada ao colexio sexa máis divertida, promovéronse os “animadores madrugadores”, actuacións sorpresa na rúa coincidindo coa chegada dos escolares e as súas familias.

## Cantos participantes teñen os proxectos?

Actualmente están a participar neste proxecto un total de 601 alumnos/as de 3 colexios con idades comprendidas entre 3 e 16 anos, dos cales o 85% utilizan habitualmente o camiño escolar e os 15% restantes fai uso do Bica e Arrinca e aparcamentos disuasorios; ademais destes, 80 establecementos comerciais do municipio (tendas amigas) ceden 500 agasallos que serven para promover o comercio de Narón .

No curso 2018/2019 prevese a participación de 1200 escolares, coa incorporación doutro centro educativo ao programa de camiños escolares seguros.

## Como valoran os resultados acadados?

Coa implantación deste proxecto deuse solución ao exceso de tráfico nas zonas escolares, evitar a presenza de coches nas vías de acceso reducíndose o número de accidentes (0 vítimas 0 sinistros nas contornas escolares, segundo datos estatísticos recolleitos de ficheiro datos de Policía Local de Narón ), baixaron os índices de contaminación acústica e atmosférica, diminuír a tensión e creáronse novos hábitos máis saudables entre todos os colectivos implicados, incrementando un maior sentimento de pertenza a esa veciñanza.

## Cales son os seguintes pasos do Concello de Narón para seguir impulsando a educación e seguridade viaria?

Trataremos de ir incluíndo todos os centros educativos dentro do programa “Camiños Escolares Seguros” xunto con todas as iniciativas que comporta. Ademais o equipo de Educación Viaria traballa con diversos colectivos (nenos/as de escolas infantís, alumnado de educación infantil e primaria, persoas maiores, embarazadas, condutores/as noveis, centros de educación especial, asociacións culturais que traballan en prol de usuarios con mobilidade reducida ou necesidades especiais, etc.), promovendo accións interxeracionais e protagonizando numerosos proxectos de colaboración público-privada. Posuímos unha traxectoria que causa gran impacto na comunidade educativa, impulsando a creación dunha rede de apoio e interlocución en todos os centros escolares (figura do/o coordinador/a), do mesmo xeito que na sociedade local, con 14 barrios e parroquias rurais nun municipio de 40.000 habitantes.

Europe Direct A Coruña agradece ao equipo de Educación Viaria do Concello de Narón a súa colaboración para esta entrevista. Se queren estar ao día das iniciativas deste equipo poden seguir a súa páxina en Facebook <https://www.facebook.com/educacionvial.concellodenaron>

## Europa a fondo

### Primeira convocatoria de propostas ao Corpo Europeo de Solidariedade

***A Comisión Europea publicou a primeira convocatoria de propostas de novos proxectos do Corpo Europeo de Solidariedade que se realizarán en 2018 e a principios de 2019. Aquí contámosche máis detalladamente mediante unha serie de preguntas e respostas, os aspectos máis relevantes desta convocatoria:***

#### Que é o Corpo Europeo de Solidariedade?

É unha iniciativa da Unión Europea cuxo obxectivo é crear oportunidades para que os mozos traballen como voluntarios ou colaboren en proxectos —nos seus propios países ou no estranxeiro— que beneficien a comunidades e cidadáns de toda Europa.



**CUERPO  
EUROPEO  
DE SOLIDARIDAD**

#### Como funciona?

O Corpo Europeo de Solidariedade é unha reserva de mozas que fixeron constar o seu interese por participar en proxectos de solidariedade e que aceptan e defenden os obxectivos e principios do Corpo Europeo de Solidariedade.

Ao inscribirche, os teus datos quedarán gardados no sistema do Corpo Europeo de Solidariedade, en cuxa base de datos as organizacións poderán buscar persoas para participar nos seus proxectos. A continuación, convidarán aos participantes seleccionados a incorporarse aos proxectos.

A Comisión Europea convidará as organizacións a solicitar financiamento e outros tipos de axuda para aqueles proxectos que cumpran os obxectivos e principios do Corpo Europeo de Solidariedade. Logo de



autorizados os proxectos, as organizacións poderán acceder á reserva de participantes e seleccionar a mocidade que teña as características máis idóneas para participar no proxecto. A continuación, as organizacións poñeranse en contacto cos potenciais participantes e tomarán a súa decisión final.

### **Cales son os requisitos para participar?**

Para inscribirte no Corpo Europeo de Solidariedade debes ter 17 anos, pero non poderás empezar o proxecto ata que cumpras os 18. Deberás terminar o proxecto do Corpo Europeo de Solidariedade antes de cumprir os 31 anos.

Debes ter a nacionalidade (ou a residencia legal) dun dos Estados membros da Unión Europea ou dun destes países: Islandia, Liechtenstein, Noruega, Turquía ou a antiga República Iugoslava de Macedonia.

### **Quen xestiona o Corpo Europeo de Solidariedade?**

Coa nova base xurídica, serán a Comisión Europea, as axencias nacionais de Erasmus+ nos Estados membros e a Axencia Executiva no ámbito Educativo, Audiovisual e Cultural (EACEA) quen o xestionarán.

### **Onde e cando hai que presentar a solicitude?**

As solicitudes de financiamento para os equipos de voluntarios en ámbitos de alta prioridade deben presentarse á EACEA. As doutras accións deben presentarse á axencia nacional do país no que ten a súa sede a organización solicitante.

As organizacións e os grupos de mozos admisibles deben presentar as súas solicitudes nos prazos seguintes [antes das 12.00 horas (hora de Bruxelas)]:

Asociacións de voluntariado, proxectos de voluntariado, períodos de prácticas e empregos, proxectos solidarios, data límite: 16/10/2018

Equipos de voluntariado en ámbitos de alta prioridade, data límite: 18/02/2018

Solicitudes de selo de calidade: en calquera momento.

### **Outórganse axudas ao participar nunha actividade do Corpo Europeo de Solidariedade?**

Cada mozo que participa nunha actividade solidaria recibirá un seguro e unha contribución aos seus gastos de viaxe. Os voluntarios tamén reciben gratuitamente comida e aloxamento, así como diñeiro para pequenos gastos persoais mentres dura a súa actividade.

### **Haberá apoio lingüístico?**

Si. Os participantes do Corpo Europeo de Solidariedade que acepten unha oferta para unha actividade solidaria transfronteiriza terán acceso a un curso de idiomas en liña que lles permita avaliar e mellorar as súas competencias na lingua estranxeira que utilizarán para levar a cabo o seu traballo.

### **Con que orzamento conta a convocatoria?**

O orzamento total destinado a esta convocatoria de propostas estímase en 44.241.725 euros.

### **Onde pode atopar máis información?**


As condicións detalladas da presente convocatoria de propostas, incluídas as prioridades, figuran na guía do Corpo Europeo de Solidariedade na seguinte dirección de internet: <https://ec.europa.eu/youth/solidarity-corps>.

Ademais, a convocatoria pódese consultar tamén na nosa páxina web: <https://www.dacoruna.gal/europe-direct/axudas-europeas/convocatorias/cu/eaca012018-cuerpo-europeo-de-solidaridad/>.

### **Con quen pode contactar se teño algunha dúbida?**

Se tras consultar a web e as ligazóns achegadas segues con algunha dúbida, podes escribir a este enderezo de correo electrónico, co que se pode contactar para esta convocatoria: [eu-solidarity-corps@ec.europa.eu](mailto:eu-solidarity-corps@ec.europa.eu)

## Publicacións



“Living conditions in Europe”.  
2018 edition”  
Dispoñible en [PDF](#).

## Axenda

- 05-13/09/2018: 60 minutos con Sudoe. Bruxelas.
- 14/09/2018: Oportunius: taller práctico de preparación de propostas ás bolsas do European Research Council (ERC). Axencia Galega de Innovación, Santiago de Compostela.
- 15/09/2018: Formación en emprendemento social. Biblioteca Municipal de Cerveira.
- 19/09/2018: Día Europeo sen mortes na estrada.
- 23-30/09/2018: Semana Europea do Deporte 2018.
- 24/09/2018: Seminario MoveS: “Libre circulación de traballadores - 50 anos despois, interacción coa seguridade social”. Praga, República Checa.
- 27-28/09/2018: Segundo Seminario Internacional sobre o Índice de Envellecemento Activo. Bilbao.
- 28/09/2018: Seminario MoveS: “Libre circulación de traballadores e coordinación da seguridade social: actualizacións e impactos en Chipre”. Nicosia, Chipre.
- 2-5/10/2018: Curso “Emprego na Eurocidade: traballo, turismo e termalismo”. Gabinete da Eurocidade Chaves-Verín situado en Feces de Abaixo.
- 15/10/2018: Seminario MoveS: “Seminario de aniversario sobre 60 anos de coordinación da seguridade social e 50 anos de libre circulación de traballadores”. Bruxelas.
- 23/10/2018: Conferencia #BlueInvest in the Atlantic. Vigo.
- 25/10/2018: Conferencia do BEI sobre a economía circular. Copenhague.



e 2 0  
u 1 8  
- a t



Síguenos en:

